

古文坪廳志

光緒丁未年奉
硃字纂錄版印



古丈坪廳志序



古陽毗連溪洲先秦時共隸黔中一片土也峽仄菁幽其古之沙場乎或曰荆楚於春秋為強國率師襲巴滅之巴子列也昆弟五偕奔五溪分長溪蠻古陽一隅無溪之水合焉疑卽昔時割據以稱雄者虎嶺諸峯峭壁摩天雲峰吞吐試凭崇椒而望焉孤城如斗環抱清流而邨寨櫛比歷歷在目槃瓠之遺踪猶有存者惜石不能言末由雪其誣耳其地偏處紅苗花裙毳被銀珥金環之倫往往嘉會良辰引長吭蔣清音譟呼烏烏或跳月而前與邊氓雜居而耦俱無猜者非猶是干羽所格之種類耶第其性犷悍暴戾以金革為衽席自漢唐來眸服靡恆言語贅幣不達不通民生其間部落繁滋

古丈坪廳志

彌望如林攘攘熙熙老死於蠻烟瘴雨間惟安其木食卉衣之天而已抑奚有文物聲明足備太史輶軒之采耶

昭代

列聖相承重熙累洽文軌大同彼四夷八蠻五戎六翟七閩九貊之人民胥入版圖或且叩關頓顙恐貽防風誅下逮蝟螻蠕蚊凡有血氣者莫不發育煦嫗盎然於太和翔洽之餘僉曰帝德之如春也矧蕞爾岩疆皆屬

朝廷赤子其漸摩尤易易也乎顧自歸流設官廳治原隸永順府至道光三年改置撫民同知其羅衣諸保案牘則躬司之而學校錢糧仍歸縣治文教覃敷迄今多歷年所矣獨怪撫是邦者每托之清靜無為與民隔閼其實蔑視僻陋等諸曹

鄙之無譏甚至銓授是邑而故違之意以爲夜郎絕徼不足辱漢使仍鄙夷而膜置焉不屑布文翁之化進喬野以詩書也緣此屯蒙其運而狂獠猶昔間有一二達官聲勢烜赫然稽厥功名所自來則皆出自長鎗大戟中未聞繡虎雕龍文史足三冬堪以典型後進者嘻孰司風化忍令伊川生野祭之悲而杞子之終卽於夷乎是甯非司牧者之責與余以爲扶輿磅礴之靈不擇地而鍾十室之邑必有忠信移風易俗一視良有司之治具何如耳昔者武城單父爲魯下邑然且化普絃誦鳴琴奏績焉卽吾子亦欲居九夷而化其陋矣蓋牛刀一割善治蒸蒸日上易使效可達之天下也豈獨一邑然哉觀於楠梓生而翹秀蘭蕙茁而騰芳我民父母可使人

古丈坪廳志

卷一

而不如物乎歲丙午董君奉檄蒞古陽下車後勤恤民隱百廢具興上體

宵旰焦勞教養撫綏俸僦而椎結者沐浴清化盡躋諸仁壽之域而其心始慊也三年有成之效余將拭目俟之矣董君亦良吏矣哉且夫簿書鞅掌則鉛槧必疏撫治勞心則纂修不暇仕優則學吾聞其語矣而董君於公退之暇獨能表揚聖治勒爲信史用彰王會大一統其用心懇摯過人遠矣亦何嘗菲薄斯民哉特是來函有云博學能文者無力聘延而彼都人士又正如吾子修魯史游夏莫贊一詞遠紹旁搜獨仔偏撰爲文數十萬言僅兩易階莫而書成視彼研鍊京都動需十稔此才何可以斗量哉余不敏承乏永郡與董君爲僚友

竊喜其徵文考獻學擅三長而馬工兼能枚速也試按志以稽覺提要鉤玄有條不紊始輿圖次建置所以暢

皇靈重制度也次民族次物產所以固邦本利器用也又次以祥灾人物終以藝文而於是知政治之得失與教化之盛衰焉益復不憚煩勞附有彙說紀略等編誠哉他日名山物可信今而傳後董君不朽矣憶余去冬來守是邦道經辰沅值河水之落也舍舟而陸嘗升高而眺石保之墟見夫岡巒雜遝溪澗潏汙穆然思當日金戈鐵馬蠻觸戰爭欲詢前事而故老皆無存者蓋天下之平久矣第念其民之罹鋒鏑疲輓輸困流亡者求一夕安不可得何幸百餘年來厚澤深仁浹於荒徼蚩蚩者永沐休明之雅化桑麻雞犬畊鑿相忘以世其

業以長其子孫而豐豫之象有加內地焉何問乎有苗何分乎土著哉又得良有司如董君者問其疾苦而納於軌物勉以忠義而識所尊親既富方穀其在斯乎余且傾耳而聽畏壘之謳歌也民苗何幸而如上春臺乎然則斯志告成將以誠民阜物簡俊礪頑爲邊陲臻上理而煥文明胥於是乎在矣奚翅爲董君幸將爲古陽之民暨後來撫此土者幸也用是竊自勉亟籌所以保障吾民之方而勤宣

上德也夫董君嘗以序問余不獲辭爰誌其崖略於簡端亦想見車書之盛駕漢軼唐云是爲序

賜進士出身翰林院編修署永順府事保送湖南補用知府議叙加一級紀錄二次許晉祚拜撰

花翎知府銜署古丈坪廳撫民同知董鴻勳用稿伏求

鈞政

賜鴻文冠首

古丈坪廳志

卷一

古丈坪廳志序

史家重作志馬班陳范而下惟廬陵或能之而郡國志乘爲尤難
天地人物之所綱風俗政事之所紀蒼之萃之而都於一篇固一
方之史記也自郡國莫不有乘斯漸濫而漸易矣頃者

朝廷方興學立學部設編書局下直省郡縣徵編鄉土志爲小學
教科書榮方權守永順竊以爲一郡之鄉土志必待縣書先成而
後作而後纂間虬密得合於教科書之用迨以縣書久不至郡書
因亦不能成輒毅然欲併縣書目爲之然鄉土志之取材則必資
於志乘古丈坪廳無志乘鄉土志無所從出郡志之於古丈坪誌
焉弗詳惟於永順縣志中求得輯畧一篇而已丙午六月董湘齡
同守下車古丈坪議立

古丈坪廳志

卷一

一

孔子廟堂設中學振農業譙曠政浚河渠陳列爛然次第將舉凡
所爲興養立教者亦既至矣於是創輯廳志之事馳書謀索郡
志郡志板燬存孤本嚮者借之士家則既歸之且其書略於古仗
坪乃爲借得縣志之輯略報命既而以序例來示則綱舉目張燦
然而備釐然而善也夫地志良史之難事已而古丈坪廳志又特
別有數難焉竊據千載若閉史家事實輿記風土通曰溪巒
不能大別人物山川或難專屬鉅者弗考細者弗知古無所信其
難一也設廳爲治實劃邑地人民社稷亦既專城而學校未分監
獄未立前此忽忽遂如疣寄乃至志乘亦附縣書前無所因其難
二也苗蠻樸塞山谿險阻名跡不至文詞遂微舊德先疇紀述尤
畧文獻不足杞宋無徵將及芻蕘懼雜野語旁無所助憂獨造

其難三也攬綜務訪事主文若爲路資若爲館粢若乃若木若
葦若竹羣才羣事不糜而費士家多寒民俗習吝歛無所出經營
實艱其難四也總此四難雖有良史不能爲力宜其設廳二百年
而無志乘矣顧分民分地烏得無志不審夷險次瘠不察風俗利
弊何以撫蠻何以圖民向之守土者無此議邦人士亦無此議忽
焉而若忘此則同守序所謂若有若無之一証也宋之始至於郡
也見夫一切文牘徧屬邑而不及於古丈坪大異之乃命吏逐事
移牘關會然以同官故則亦但關會而已不能求必行今同守所
爲皆宋所已爲而獨不能及於古丈坪者平日疚愧讀若有若無
之論乃大悟也假使早得與同守共治宋爲幸不已厚哉夏秋間
以母病三上書乃得假而復爲士民所留同守適來索序方以治

盜未應命歲除受代乃質直而言之固亦文例也宋欲修郡志
一年而爲用人籌歛所難而同守易之同守其亦偉矣茲時書未
成以序論知其書其必事繁文省在歐陽唐書五代史之間者歟
光緒三十二年十二月權知永順府事錢唐徐榮公倩禮序

古文坪廳志叙

國朝設府廳州縣循古諸侯而郡縣之制皆司土地之官親民之吏秦漢以來言治者必曰守令賢否府廳守也州縣令也廳曰丞而擬於守有府制焉故今順天之四路廳奉天之鳳凰廳四川之叙永廳河南之浙川廳皆直轄州縣多者至七八屬州夷於縣久故雖有牧稱而擬於令原始制度因時移易直隸州不屬府而統縣故又有府制焉廳不直隸布政司巡道而隸府又有州縣制焉當事者就其地域之形勢與其政事利害之關繫意擬其制以上陳朝廷亦遂因之實無輕重於其間分土而治有民人政事之責爲古諸侯秦郡縣之任同爲民父母爲

天子守土尤同也古文坪廳在洞庭湖西南如黑子之著面然東西

古文坪廳志

卷十二

四

相距百三十里而遙方圓折算五百里而弱三代公侯大國之封而周召之夙夜求治也蒞土章籍民客雜處開場通商交易而退是華裔邊疆也山川阻深土風敦樸與湖北之施南府四川之西陽州貴州之思南松桃皆相鄰近是險要巖疆也知廳事者曰撫民而監放營餉節制屯苗備弁境內堡寨礮卡汛防相望是兼有軍事之責焉乾嘉之間與鳳乾永稱苗疆四廳最爲緊要屢見於諭旨章奏卽道光二年改建撫民廳治添設巡檢皆定爲苗疆要缺由外揀選調補是

朝廷與當事初未輕視此土其劃然一邊要廳治明矣乃是廳在湖廣湖南若有若無至不別列於輿圖問之有不知者材能之利至指爲播州非人所居避之若浼其不得已而蒞斯土者亦以無可

爲治虛與委蛇甚至生其土者亦若安於山郡迫狹不敢擬於上國之光察世俗之言其故有三曰辰永沅靖道所轄五廳若鳳凰乾州永綏三同知晃州一通判皆直隸此以道光年間奏案有軍流以上重犯仍解永順府審轉一言遂未能脫於羈輓曰錢糧考試向歸永順縣辦理曰瘠苦之至在湖南廳州縣無可比數光緒三十二年閏四月下浣奉台檄著撫民事慨然就道五月中旬戒塗泛湘流溯資沅入酉水過銅柱瀧聲石浪耳目駭異經月而後抵治之羅依溪口陸行三十里至城六月下浣之初接篆受事察於向稱三者之故皆不足言病陝西之潼關磚坪甘肅之靈甯湖北之夏口胥隸於府若此不勝縷指雲貴福建尤比比皆是且貴州各府除遵義外皆有自治之土地且擬於州縣何論於廳是何

足病近年考試已停廳自設學修

孔子廟堂以興學校將來畢業出身自爲廳籍不附於永順縣矣苗疆有差徭而無錢糧民田除屯糧外地丁有限以古丈坪之大附於永順縣徵收册僅地丁銀一二兩况乾鳳久爲直隸廳其地丁仍歸瀘保各縣此自當時任事者畏於丈撥之煩遂致疏略於廳制尙無大損且近年稅契已歸廳矣是亦何足病至瘠苦之甚此宜足病肥身家充囊橐鄉黨自好者不爲況以循良自策者特功業範圍視權利範圍爲大小將以興教立養爲百年樂利之計而窘於財困於日用有徬徨莫可如何者然有定制焉不可變通雖足病而不必病其足病者將與爲治必昭明於土地人民政事之故與其風俗習尙之宜山川物產之所以部居而州處養生送死

事長苗幼之所以資生而盡人道而後得所舉措之方損益之道非汶汶闇闇所可語也方今

朝廷振興學校廣宣教育宗旨明而人心正鄉土志而教科完尤於方志之是賴求廳志而讀之不可得

府尊錢唐徐公倩太守當代良二千石與古爲治惠以永順縣志中附古丈坪廳輯略爲書三十三頁幸得觀是廳之略而惜未志其全自雍正四年改土歸流此間設永順同知已稱廳治七年改督捕歷今將二百年道光二年奏改撫民閱時亦將百年而廳志不成仍附於永順縣列於輯略是守土之責也於是於政務之暇特爲編輯廳志凡例凡七爲書十六卷將以資考鏡示將來自爲撰纂紳衿任繪事司採訪焉著手於丁未季春至孟夏而告成昔

古丈坪廳志

卷一

六

康對山之武功縣志陸清獻之靈壽縣志至於今是稱然康書祇七篇陸書比於史公文至簡潔今志分七門亦武功意也文不能希史公而求潔也亦靈壽是效夫郡邑無寬狹鄉之別因物產商賈而富今古廳種植鑛產之品可講求而饒非沙漠窮荒比也則富固可興廈門一廳財賦甲於閩浙可法也人才無邊腹之分因文教禮化而隆今古廳修

孔子廟堂奉法崇儒非歧塗荒唐之說可誤則教固可興蓮花一廳衣冠盛於江右可法也近年乾鳳之勛名科目亦比上國廳制固足病人哉後之撫斯土者讀是編念官守之常與土之可材民之可治勉盡教養之責使三閭忠愛船山經術近代陶胡曾左諸公之事業有繼起之人其闔閭之間亦財貨盈溢田廬之民彬彬禮

讓苗章客土禮樂而冠裳則斯志之成其不惟虛言而實事徵焉
是作始之微意也知撫民事直隸開州董鴻勳自叙

修志時當事文武台僚

太子少保頭品頂戴政務大臣陸軍部尚書兼都察院右都御史總督湖廣等處地方軍務兼理糧餉

張
爵里 直隸南皮人癸亥探花

頭品頂戴陸軍部侍郎兼都察院右副都御史巡撫湖南等處地方提督軍務兼理糧餉

岑
爵里 廣西西林人

欽命湖南等處承宣布政使司布政使加十級 紀錄十次 英

吳
爵里 滿洲正白旗丁卯舉人

欽命湖南等處提學使司提學使 加十級 紀錄十次 吳

爵里

欽命二品頂戴湖南等處提刑按察使司按察使總理驛傳事務 加十級 紀錄十次 莊

八

爵里 江蘇陽湖人

欽命湖南鹽法長寶道長沙關監督加十級 紀錄十次 朱

爵里 安徽大湖內成

欽命二品銜署理湖南分巡辰永沅靖兵備道兼管驛傳事務 加十級 紀錄十次 朱

爵里 江西蓮花縣人丁丑翰林

欽命二品銜分巡湖南辰永沅靖兵備道兼管驛傳事務 加十級 紀錄十次 俞

爵里

永順知府

連培基

爵里 江西翰林

永順知府

徐燊

爵里

浙江錢塘人

現署永順知府

許晉祁

爵里

廣西桂林庚午翰林

同城寮屬與於修志之勞者

理問銜古丈坪廳巡檢

楊濟時

貴州天柱縣人由監生補授澧州直隸州清化司巡檢在任三十年
歷膺大計卓異俸滿保薦服闋補任今職光緒三十二年七月到任

修志時當世文武台僚爵里

欽命提督湖南全省水陸軍務統轄漢土官兵控制苗彝節制各鎮莽臣巴圖魯曹

署理湖南提標中衡叅將湯

同城營僚與於修志之勞者

署古丈坪營都司本任提標中營中軍守備 吳峻

現年五十歲浙江定海廳人丁丑武進士選授湖南提標中營
守備三十一年七月署古丈坪營都司

五品藍翎古丈坪營存城千總 向天爵

現年四十四歲本廳人由軍功充乾軍中營後哨正哨官光緒
十一年冒險衝圍渡台賞換五品翎頂事平入營歷拔左司外

古丈坪廳志

卷一

十

委把總三十年拔補今職

分防各汛

旦武營	左哨	千總	張全勝	武陵人
龍鼻	左司	把總	楊順芝	本廳人
土蠻	右司	把總	伍安邦	本廳人
黑潭	坪前	司把總	向洪升	本廳人
附城	協防新寨	左司外委	伍純佑	本廳人
協防	曹家坪	右司外委	劉明德	本廳人
協防	床機坡	前司外委	伍國華	本廳人
附城	協防火藥局	左司額外	劉大華	本廳人
協防	排沙	右司額外	魯心貴	本廳人

協防巖坳 前司額外羅廷斌 本廳人

撰修

知府升銜欽賜花翎署古丈坪廳撫民同知湖南補用同知董鴻

勳字湘船直隸開州人甲午副榜

分任建置立表

五品銜 佾生 陶桓

派名肇沅字仲甫浙江山陰人光緒二十一年冬湖南勦辦武

崗會匪案內出力

湖南撫部院吳 奏保今銜

分任繪圖

本廳生員 姚汝梅

採訪

古丈坪廳志

卷一

十三

候選縣丞 杜生龍

候選從九品 張隆璧